

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՈՒՂԵՐԶԸ ՇՐՋԱՆԱՎԱՐՏՆԵՐԻՆ

Մայր Աթոռ Ս. Էջմիածին, 26 մայիսի 2000 թ.:

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը վերջին զանգի առիթով իր հայրապետական օրհնությունը և պապզամն է հղել Հայաստանի բոլոր շրջանավարտներին:

Սիրելի շրջանավարտներ, սիրասուն զավակներ մեր.

Բերկրանքով ու խինդով եք լեցուն այսօր բոլորդ, գեղեցկաբեռ՝ ձեր հույսերով ու լավատեսությամբ, ամբարած արդյունքները նվիրյալ այն ջանքերի ու սիրտ, որ ներդրել են ձեր սիրելի ուսուցիչները, փասը փարիներ ուսուցանելով ու կրթելով, դեպի հիշարժան այս օրը առաջնորդելով ձեզ: Նրանց շնորհակալ գործը մշտապես ձեր ուղեկիցն է լինելու, ինչպես և հարազատ դպրոցի կարտփը, որ, վստահաբար, արդեն իսկ անթեղում եք երկրասարդական ավյունով խայտացող ձեր հոգիներում:

Մարդկային կյանքի առաջին կարտփներից է դպրոցի հանդեպ կարտփը, որը, թանկ մանկության ու պատանեկության հուշերով, ընտանիքի, հարազատ բակի ու ծննդավայրի ջերմության հետ անբաժան մասն է դառնում առ հայրենին մեր ունեցած մեծ սիրտ: Աստվածպարզն է Հայրենիքը, երկնաշնորհ: Երջանիկ եք դուք, սիրելի շրջանավարտներ, որ հասակ եք առել անկախ Հայաստանում, սնուցվել ազատության շնչով, հավատի և հայրենյաց ավանդների վերարժեքում: Պատմությունից ձեզ հայրենի է, թե որքան կարևորել են մեր նախնիք մեր երկրի ազատությունն ու անկախությունը, որքան արյուն հեղել, ջանք թափել՝ կորցնելուց հետո այն վերագրելու համար: Այո, հոգսաշար են այսօր մեր Հայրենիքն ու ժողովուրդը, սակայն ազատությունն է այն արժեքը, որ պայման է դառնում արարումների, բարգավաճման ու բարօրության: Կեղծիքից, ստրկամտությունից, անգիտությունից ազատ ձեր հոգու սլացքներով է կերտվելու նվիրական մեր Հայրենիքի այսօրն ու գալիքը: Դուք թանկարժեք, ոսկեղեն հունձքն եք մեր, որ խտացրած ազատության մեր արեգակի հորդավառ լույսը, հայության նվիրական իղձերի կենսավորումով պրոպագանդելու եք ազգային մեր կյանքը: Վստահ քայլեր ձեր ճանապարհով, կրեք ձեր կարևորության գիրակցությունը, շիրակ, աներկբա ու անվախ ստանձնեք ձեր բաժին պատասխանավորությունը: Ձեր ջանադիր, անխոնջ, սրբեղծարար աշխատանքով, ձեր հոգու ջերմությամբ ու ձեռաց գործերով իմաստավորեք ու գեղեցկացրեք ձեր ու ձեր հարազատների, մեր ժողովրդի կյանքը, մեր մայր հողն ու երկիրը: Հավատարմությամբ ծառայեք մեր հայրերի Աստծուն, գորացեք հավատքով, հինավուրց մեր պատմությամբ ու մշակությամբ, աղոթախոս անցեք կյանքի ձեր ուղին:

Նայրական սիրով շնորհավորում և ողջունում ենք ձեզ շրջանավարտ դառնալու փոքրահասակ առիթով, բերում ամենքիդ Նայրապետական Մեր օրհնությունը և ամենաբարի մաղթանքները: Թող Բարձրյալն Աստված շնորհագարդի ձեզ և առաջնորդի նորափթիթ կյանքի ձեր ճանապարհը՝ Իր հանապազ օրհնությամբ Մայր Նայրենիքի խաղաղ երկնքի ներքո պարգևելով Ձեզ բարիք, երջանկություն, ազնիվ ու բարի նպատակների իրականացում և ամենայն հաջողություններ:

«Շնորհք, սեր և խաղաղություն Տեսնոն մերոյ Յիսուսի Քրիստոսի ընդ ձեզ ամենեսեան. ամեն»:

Օրհնությամբ՝

ԳԱՐԵԳԻՆ Բ

ԿԱԹՈՂԻԿՈՍ ԱՍԵՆԱՅՆ ՆԱՅՈՑ